

# Soek jy 'n fantastiese tutor?

[www.teachme2.com/matriek](http://www.teachme2.com/matriek)





# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISIXHOSA ULWIMI LOKUQALA OLONGEZELELWEYO (FAL)**

**IPHEPHA LESITHATHU (P3)**

**MEYI/JUNI 2024**

**ISIKHOKELO SOKUMAKISHA**

**AMANQAKU: 100**

**Esi sikhokelo sokumakisha sinamaphepha ali-16.**

**ICANDELO A: ISINCOKO****UMBUZO 1****Imiyalelo yokumakisha**

- Kweli candelo umviwa ukhetha isihloko sibe sinye. Xa ekhethe zazibini, makisha esokuqala.
- **QAPHELA:** Umviwa angabhala naluphi udidi lwesincoko ngesihloko asikhethileyo.
- Ubude besincoko bumele ukuba kwisithuba samagama ali-190 ukuya kuma-240.
- Sebenzisa irubriki esisihlomelo A ukumakisha esi sincoko.

1.1	Isihloko:	Ndabonakalisa ukuzithemba ngaloo mini	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p><b>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</b></p> <ul style="list-style-type: none"> <li>• Inkcaza ngale mini.</li> <li>• Iinkcukacha malunga nendawo, umhla neendidi zabantu ababekho kule ndawo.</li> <li>• Anganika iinkcukacha ngokwenzeka ngale mini.</li> <li>• Angakhankanya iimvakalelo zakhe.</li> <li>• Isenzo awasenzayo esabonakalisa ukuzithemba.</li> <li>• Amava nesifundo esinokufundwa.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	
			<b>[50]</b>

1.2	Isihloko:	Uthando esilufumana kubazali!	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p><b>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</b></p> <ul style="list-style-type: none"> <li>• Anganika inkcaza ngothando.</li> <li>• Uthando alufumana kubazali bakhe okanye abazali abangengabo abakhe.</li> <li>• Uhlobo lothando olufunyanwa ngabantwana kubazali.</li> <li>• Angachaza ifuthe lothando olufunyanwa ngabantwana kubazali.</li> <li>• Angathetha ngendima yabazali noxanduva abanalo ngakubantwana ngokubanzi.</li> <li>• Angavelisa iingxaki zokusilela kothando lwabazali ebantwaneni.</li> <li>• Angaveza indlela abangalubuyekeza ngalo abantwana uthando abalufumana kubazali.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	
			<b>[50]</b>
1.3	Isihloko:	Xa ndinokuphinda ndiye kuloo ndawo ...	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p><b>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</b></p> <ul style="list-style-type: none"> <li>• linkcukacha/inkcaza ngale ndawo.</li> <li>• Angakhankanya abantu awayekunye nabo kuyo.</li> <li>• Anganika iinkcukacha ngezinto ezimnandi okanye ezimbi ezathi zenzeka.</li> <li>• Izimvo zakhe ngale ndawo nezigqibo awazithathayo ngayo.</li> <li>• Anganika izizathu zokuba abe nomnqweno wokuphinda aye kule ndawo.</li> <li>• Amava neemvakalelo zakhe ngayo.</li> <li>• Isilumkiso okanye inkuthazo malunga nale ndawo ayikhankanyileyo.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	
			<b>[50]</b>

1.4	Isihloko:	Ukusetyenziswa kweethabhlethi kwinkqubo yokufunda nokufundisa ezikolweni	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p><b>Umviwa angachaza/camngca/xoxela amacala amabini/xoxa ngomnye kule mixholo ilandelayo:</b></p> <ul style="list-style-type: none"> <li>• Anganika inkcazelo ngeethabhlethi ngokubanzi.</li> <li>• Imvelaphi yokufakwa kweethabhlethi ezikolweni njengesixhobo sokufunda nokufundisa.</li> <li>• Ukubaluleka kokufunda nokufundisa kusetyenziswa iithabhlethi.</li> <li>• Uncedo okanye iingxaki ezithi zifumaneka ngokufunda nokufundisa kusetyenziswa iithabhlethi.</li> <li>• Umahluko phakathi kweendlela ebekufundiswa kufundwa ngazo phambi kokuba kubekho iithabhlethi.</li> <li>• Anokukucebisa ngokusebenzisa iithabhlethi</li> </ul> <p>[Naziphi izimvo zomfundi ezisemxholweni ziya kwamkeleka.]</p>	
			<b>[50]</b>
1.5	Isihloko:	Abantu abatsha bakulungele ukukhokela	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p><b>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</b></p> <ul style="list-style-type: none"> <li>• Inkcaza malunga nabantu abatsha negalelo labo kwimbali yezopolitiko kweli loMzantsi Afrika.</li> <li>• Angabalula izakhono abanazo abantu abatsha.</li> <li>• Angathetha ngendima enokudlalwa ngabantu abatsha kwizikhundla zokukhokela ezize neenguqu.</li> <li>• Angakhankanya abantu abatsha abasele bekwizikhundla zokukhokela negalelo labo ukuphucula intlalo yoluntu.</li> <li>• Angakhuthaza abantu abatsha ukuba bazigqatsele izikhundla zokukhokela kwiindawo ngeendawo.</li> <li>• Kwicala elichasayo: Angabalula ukusilela ngamava njengengxaki abanayo abantu abatsha kwiindawo abasebenza kuzo njengeenkokeli.</li> <li>• Anganika imizekelo ephilayo apho abantu abatsha babonakalisa ukusilela kubunkokeli babo.</li> <li>• Angavakalisa isandla sabantu abadala abanamava phezu kwemisebenzi yabantu abatsha ukuze ifezeke.</li> <li>• Angabalula izimo zabantu abatsha ezenza babe abakulungeli ukukhokela.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	
			<b>[50]</b>

1.6	Isihloko:	Umviwa makasinike isihloko isincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p><b>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</b></p> <ul style="list-style-type: none"> <li>• Angathetha ngezandla azibona emfanekisweni.</li> <li>• Imisebenzi ebonakalisa izenzo zobuntu.</li> <li>• Okuyinzuzo xa kusenziwa izenzo zobuntu entlalweni.</li> <li>• Inkcaza ngohlobo lwabantu ababonakalisa izenzo zobuntu.</li> <li>• Ubuntu njengendlela yokumanya uluntu.</li> <li>• Okunokufundwa ngomanyano nentsebenziswano.</li> <li>• Angawutolika ngokwentsingiselo efihlakeleyo umfanekiso.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	

**[50]**

1.7	Isihloko:	Umviwa makasinike isihloko isincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	<p><b>Umviwa angachaza/camngca/xoxela amacala amabini/xoxa ngomnye kule mixholo ilandelayo.</b></p> <ul style="list-style-type: none"> <li>• Inkcaza ngongcoliseko lomoya.</li> <li>• Izinto ezikhokhelela kungcoliseko lomoya.</li> <li>• Ukuchaphazeleka koluntu nezilwanyana okubangelwa lungcoliseko lomoya.</li> <li>• Ifuthe elibi longcoliseko lomoya kwezoqoqosho, kwimpilo yabantu nakwimo-zulu ngokubanzi.</li> <li>• Iindlela zokuthintela ungcoliseko lomoya.</li> <li>• Angawutolika njengemizi-mveliso kwezoqoqosho.</li> <li>• Angabalula igalelo lemizi-mveliso kuphuhliso lwezoqoqosho.</li> <li>• Angawutolika ngokwentsingiselo efihlakeleyo umfanekiso.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	

**[50]**

1.8	Isihloko:	Umviwa makasinike isihloko isincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	<p><b>Umviwa angachaza/camngca/xoxela amacala amabini/xoxa ngomnye kule mixholo ilandelayo.</b></p> <ul style="list-style-type: none"> <li>• Inkcaza ngosapho.</li> <li>• Angathetha ngokubaluleka kosapho entlalweni.</li> <li>• Anganika inkcaza ngeempawu ezithile ezenza usapho.</li> <li>• Angathetha ngokubaluleka komanyano kumalungu osapho.</li> <li>• Unokuvelela indima edlalwa ngamalungu osapho ekwakhekeni kwalo.</li> <li>• Ukubaluleka kokuba yinxalenye yosapho neengxaki zaxa kungenjalo.</li> <li>• Angavelela usapho njengabantu abakunye ngokokuhlala, ngokokusebenza, ngokobuhlobo nemvano.</li> <li>• Angawutolika ngokwentsingiselo efihlakeleyo umfanekiso.</li> </ul> <p>[Naziphi izimvo zomfundi ezisemxholweni ziya kwamkeleka.]</p>	

**[50]****AMANQAKU ECANDELO A: 50**

**IIMPAWU ZESINCOKO**

Isincoko esibalisayo sibhalwa kumntu wokuqala okanye owesithathu.

- Makasebenzise ixesha eladlulayo/elidlulileyo/elimiyiyo.
- Makabonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekhehli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

Isincoko esichazayo sinokubhalwa ngokwexesha elidlulileyo okanye elangoku.

- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhlisayo ezifana nezifanekisozwi.
- Sisebenzisa imifanekiso-ntelekelelo nezafobe zentetho.
- Sivakalisa iimvakalelo zombhali.

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyachaza. (Sisebenzisa izixhobo zokuchaza ezifana nezichazi, imifanekiso – ntelekelelo, izihlomelo, neziphuhlisayo ezifana nezifanekisozwi kwakunye nezafobe zentetho.)
- Uvakalelo lombhali maluveze ukunyaniseka kunye nokubandakanyeka.

Isincoko esixoxela icala elinye:

- Umviwa uthatha icala ngomba othile.
- Uthotho lweengxoxo – oludla ngokuba kwimo engengcaciso ngeengongoma ezithile.
- Ukubethelela—isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengcebiso.



Kwisincoko esivelela amacala omabini

- Inkcazelo engomba inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma nokunika ubungqina obuyinyani obuxhasayo.
- Isiphelo – isishwankathelo neengcebiso.
- Makabonise ulwazi ngesihloko nangomba axoxa ngawo.

**ICANDELO B: UMHLATHI OMDE****Imiyalelo yokumakisha**

- Kweli candelo umviwa ukhetha umhlathi ube mnye. Ukuba ukhethe yamibini, makisha owokuqala.
- Ubude bomhlathi omde mabube ngamagama angama-80 ukuya kwi-100 umxholo kuphela.
- Sebenzisa irubriki esisihlomelo B ukumakisha lo mhlathi.

**UMBUZO 2****2.1 ILETA YOBUHLOBO**

- Idilesi inye, yeyomntu obhala ileta.
- Isibuliso – makabizwe ngegama umntu obhalelwayo.
- Intshayelelo, isiqu nesiphelo mazahluke zicace.
- Ithoni nerejista mazibonakalise ukuba ubhalela umzala wakhe.
- Umxholo: Mawube malunga nokuvuyisana nomzala wakhe ngokuphumelela ivawutsha yempahla kukhuphiswano.
- Isiphelo sibe seseleta yobuhlobo kwaye kubhalwa igama kuphela.
- Izingxi azisetyenziswa kwidilesi, isibuliso nesiphelo.

**[30]****2.2 ILETA ESESIKWENI**

- Idilesi zimbini, eyombhali neyombhalelwa.
- Isibuliso sesindilisekileyo.
- Umcimbi mawubhalwe ngoonobumba abakhulu (ukuba ubhalwe ngoonobumba abancinci ukrwelelwe umgca ngaphantsi).
- Ithoni nerejista mazibe zezifanele ileta esesikweni.
- Umxholo: Mawube ngowokucebisa ngekhampeni enokwenziwa malunga nokuphathwa kwezilwanyana zasekhaya.
- Isiphelo sibe seseleta esesikweni- igama nefani zibhalwe ngokupheleleyo.
- Ulwimi malube lolusesikweni.

**[30]****2.3 I-AJENDA NEMIZUZU YENTLANGANISO**

- I-ajenda mayiveze uluhlu lwemiba nenkqubo.
- Mayicwangciswe inkqubo eza kulandelwa kwintlanganiso.
- Makubhalwe iingongoma kuphela.
- Imibandela eza kuxoxwa mayinonjolwe ukuze icace nakubani na.
- Imiba ilandelelaniswa ngolu hlobo: ukuvula nolwamkelo; abakhoyo; izingxengxeko zabangekhoyo; ukufundwa kwemizuzu yentlanganiso edlulileyo nolwamkelo lwayo, imivuka ( imiba engazange ixoxwe igqitywe kwintlanganiso edlulileyo); imiba engundoqo (imiba eza kuxoxwa nesisizathu sokubizwa kwentlanganiso); Ukwaziswa komhla wentlanganiso elandelayo; ukuvala.
- Imizuzu mayihambe ngokokulandelelana kwemiba ekwi-ajenda.
- Makubhalwe izigqibo ekuvunyelwene ngazo kuphela.

**[30]**

**2.4 UDLIWANONDLIBE**

- Ingxoxo ibhalwa njengoko isenzeka.
- Makuvele izalathisi zeqonga ukuxela indawo, abathathi nxaxheba kunye nexesha ekuqhutywa ngalo udliwanondlebe.
- Kushiywa umgca phakathi kwezithethi.
- Imibuzo mayicace ingqale kwaye ibuzelwe iinjongo ezisekelwe ekufezeni iinjongo zokuqhutywa kodliwano-ndlebe.
- Umxholo: Mawube ngezifundo acetyiswa ukuba azikhethe eyunivesithi.
- Ophendulayo makanike iimpendulo ezingqale kokubuzwayo angawanqi.
- Imibuzo mayibe yengathathi cala, engacaluliyo.
- Imibuzo mayibe luhlobo lwemibuzo evulelekileyo.
- Iimpendulo mazibonise ulwazi oluphangaleleyo nolunzulu malunga nesihloko eso, kwaye zinike inkcaza nengcaciso kangangoko.
- Akusetyenziswa zimpawu zocaphulo.
- Obuzayo nophendulayo banakho ukuthetha kumntu wokuqala (basebenzise u-ndi).

**[30]****AMANQAKU ECANDELO B: 30**

**ICANDELO C: UMHLATHI OMFUTSHANE****Imiyalelo yokumakisha**

- Kweli candelo umviwa ukhetha umhlathi ube mnye, aze athi ukuba ukhethe yamibini, umakisha owokuqala.
- Ubude bomhlathi omfutshane ngama-60 ukuya kuma-80 amagama umxholo kuphela.
- Sebenzisa irubriki esisihlomelo C ukumakisha lo mhlathi.

**UMBUZO 3****3.1 IPOWUSTA**

- Isakhono nobuchule bokuyila buyafuneka ukuze umsitho ube ngowodwa, unika lowo umenywayo isizathu sokuzimasa umcimbi lowo.
- Makusetyenziswe iifonti ezahlukeneyo.
- Makunikwe ulwazi oluqaphayo nolucacileyo.
- Nini – umhla nexesha.
- Phi – idilesi/ indawo.
- Izithethi/amaqela amenyiweyo.
- Indlela yokunxibelelana; imfonomfono, iselula, ifekisi okanye i-imeyile.
- Ulwimi olucengayo.
- Ixesha langoku, kusetyenziswe izivakalisi ezifutshane ezingqala ngqo kwiinkcukacha ezibalulekileyo, amabinzana angasetyenziswa.

**[20]****3.2 UMYALEZO OMFUTSHANE KA-FACEBOOK**

- **Makuvele iqonga lika-Facebook ekuza kuthunyelwa ngalo umyalezo.**
- Uphawu lokukhangela (*search icon*) malubonakale.
- Makuvele **igama** nomfanekiso womntu othunyelwa umyalezo.
- **Makubonakale izihlokwana ezizezi: abahlobo, imiyalezo kunye namachaphaza amathathu.**
- **Makuvele isithuba sokuthumela umyalezo bucala (*messenger/inbox*).**
- Makuvele *iemoji* ekunokukhethwa kuzo xa kuthunyelwa umyalezo.
- Umxholo womyalezo ka-Facebook mawube malunga neshishini aliqalileyo.
- Iinkcukacha ngeli shishini lakhe mazidandalaziswe (indawo, uhlobo lweshishini, okumkhuthazele ekuqaleni eli shishini).
- Makamcele ukuba alazise kangangoko nakwabakhe abahlobo ngokucofa iqhosha elifanelekileyo (*Tag/Share*).
- Umyalezo mawucace gca.

**[20]**

### 3.3 IMIYALELO

- Makubekho imiba nesihloko esingqalileyo nesicacileyo.
- Makubekho oyalelayo (onika imiyalelo) nomntu oyalelwayo (owamkela imiyalelo).
- Imiyalelo mayibe malunga nokunikwa kweengcebiso zokuphumelela kwibanga le-12.
- Makusetyenziswe isiyaleli kunye nemo evumayo ubukhulu becala.
- Makusetyenziswe izivakalisi ezifutshane.
- Makuvakale ukuba imiyalelo ifikelela ekupheleni usebenzisa la magama akwizibiyeli (okokugqibela/ekugqibeleni).

**[20]**

**AMANQAKU ECANDELO C: 20**  
**AMANQAKU EWONKE: 100**

**QAPHELA:**

- Sebenzisa le rubriki rhoqo xa umakisha izincoko zephepha lesi-3, ICANDELO A.
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwiikhrayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhrayitheriya yeSakhiwo yona ayichaphazeleki ngumgangatho ongentla nongezantsi.

**ISIHLOMELO A: IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]**

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
<b>UMXHOLO NOCWANGCISO</b>		<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
(Impendulo nezimvo) Ukubekela izimvo ngenjongo yokucwangcisa Ukubonakalisa ukuyazi injongo, abantu ekujoliswe kubo kunye nemeko	<b>Umgangatho ongentla</b>	-Impendulo ebalaseleyo enomtsalane, ngaphaya kobekulindelekile -Izimvo zihlakaniphile, zixhokonxa iingcinga kwaye zinemfezeko -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko	-Impendulo ixonxwe ngobugcisa obukhulu -Izimvo zinxulumene nomxholo kwaye zinika umdla, bukho ubungqina bemfezeko kwizimvo -lingcamango zibekelwe ngokwakhelanyayo kuquka intshayelelo, isiqu nesiphelo	-Impendulo iyanelisa ngokupheleleyo -Izimvo ziyamathelana noko kwaye zingakuguqula ukucinga kofundayo -lingcamango zibekelwe ngokunamatheleneyo kuquka intshayelelo, isiqu nesiphelo	-Impendulo ingena iphuma emxholweni akukho lunamathelwano kwizimvo -Izimvo azicacanga kwaye ezinye zazo zezemboleko -Buncinci kakhulu ubungqina bobekelwe nonamathelwano lweengcamango	-Impendulo ayikho mxholweni konke konke -Izimvo zibondene azingqalanga ntweni -Azivakali izimvo kwaye ziyaphindaphindwa/ uthetha into enye -lingcamango zibekwe xazalala azinalunxibelelwano
<b>30 AMANQAKU</b>	<b>Umgangatho ongezantsi</b>	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		-Impendulo encamisileyo kodwa akukho zimpawu zakubalasela kubhekele phi kwisincoko -Izimvo zivuthiwe zixhokonxa iingcinga -lingcamango zibekelwe zandindaniswa ngobugcisa kuquka intshayelelo, isiqu kunye nesiphelo	-Impendulo ixonxwe ngobugcisa -Izimvo zisemxholweni kwaye zinika umdla -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo	-Impendulo iyanelisa nangona kumana kubakho ukungacaci kwiindawo ezithile -Kukho ukunamathelana okubonakalayo kwizimvo kwaye kuyanelisa -Kukho ukubekelwa kweengcamango nonamathelwano kwintshayelelo, isiqu nesiphelo	-Impendulo iphumile emxholweni ubukhulu becala -Izimvo ziyaqhawu-qhawuka ziyabhidisa -Buyanqaphazeka ubungqina bokubekelwa kweengcamango nonamathelwano	-Impendulo itenxile malunga nomxholo -Izimvo zitenxile zingcwecwela kude nomxholo -lingcamango ziyingxubevange engenamgqalisela

**IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU] (isaqhubeka)**

<b>Ikhrayitheriya</b>		<b>Balaseleyo</b>	<b>Enobuchule</b>	<b>Phakathi</b>	<b>Buthathaka</b>	<b>Bubhetyebhetye</b>
<b>ULWIMI, ISIMBO &amp; NOKUHLELA</b>	<b>Umgangatho ongentla</b>	<b>14–15</b>	<b>11–12</b>	<b>8–9</b>	<b>5–6</b>	<b>0–3</b>
Ukuhambelana kwethoni, irejista, isimbo, isigama kunye nemeko Ukhetho-magama Ukusetyenziswa kolwimi nesigama limpawu zobhalo, izakhi zezivakalisi, nopelo		-Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko -Ulwimi lusetyenziswe ngokuzithemba, luyathabathekisa -Ithoni enomtsalane nezafobe zentetho eziphumeza injongo -Phantse kube akukho nasinye isiphene solwakhiwo zivakalisi, upelo nokusetyenziswa kolwimi -Sixonxwe ngobugcisa obukhulu	-Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko -Ulwimi luchaneke ngakumbi kwaye ithoni isetyenziswe ngokuchaneke kwisincoko siphela -Iziphene zokusetyenziswa kolwimi nopelo zinqongophele -Sixonxwe ngobugcisa obukhulu	-Ithoni, irejista, isimbo, isigama zifanelene nenjongo, abantu ekujoliswe kubo kunye nemeko -Ulwimi olufanelekileyo ludlulisa umyalezo -Ithoni ifanelekile -Izafobe zentetho zinonga umxholo	-Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko -Ulwimi lusetyenziswa ngendlela ebuthathaka -Ithoni nochongo magama azifanelekanga -Isigama sinqongophele	-Ulwimi aluvakali -Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko -Ukunqongophala kwesigama kubaxekile kangangokuba ayinasihlahla into ebhaliweyo
<b>15 AMANQAKU</b>	<b>Umgangatho ongezantsi</b>	<b>13</b>	<b>10</b>	<b>7</b>	<b>4</b>	
		-Ulwimi luchaneke kanye nezafobe zisetyenziswe ngethoni ephumeza ukudlulisa umyalezo -Phantse kube akukho nasinye isiphene solwakhiwo zivakalisi, upelo, nokusetyenziswa kolwimi -Sixonxwe ngobugcisa obukhulu	-Ulwimi lunomtsalane kwaye luyaziphumeza iinjongo zokubhala -Ithoni ifanelekile kwaye iyaziphumeza iinjongo zokubhala -Zimbalwa iziphene zezakhi zezivakalisi kunye nopelo -Sixonxwe ngobugcisa	-Kuyanelisa ukusetyenziswa kolwimi kodwa asekho amakhwiniba -Ithoni ifanelekile kodwa izafobe zentetho ezisetyenzisiweyo zinqongophele	-Ukusetyenziswa kolwimi kubonisa ububhetyebhetye -Izivakalisi zinobuthathaka-azitshintsha-tshintshwa -Isigama sinqongophele ngokubalaseleyo	
<b>ISAKHIWO</b>		<b>5</b>	<b>4</b>	<b>3</b>	<b>2</b>	<b>0–1</b>
limpawu zetekisi Ukukhula kwemihlathi nokwakhiwa kwezivakalisi		Isihloko sikhuliswe ngokuncamisayo -linkcukacha zibalasele ngokungaqhelekanga -Izivakalisi, imihlathi zakhiwe zaqiqisiswa ngokugqwesileyo	-linkcukacha ezinengqiqo zikhuliswe ngokwakhelanayo -Izimvo zinamathelene -Izivakalisi, imihlathi zitshintshatshintshwa ngobuchule obuqiqisisiweyo	-linkcukacha ezisemxholweni zikhulisiwe -Izivakalisi, imihlathi zakhiwe kuhle -Isincoko sibunjwe ngengqiqo	-Zikho iingcamango ezamkelekileyo -Isakhiwo sezivakalisi nesemihlathi sinamakhwiniba -Isincoko sisenayo ingqiqo	-lingcamango ezifunekayo zinqongophele -Isakhiwo sezivakalisi nesemihlathi sigxoko-gxoko -Isincoko asinangqiqo
<b>5 AMANQAKU</b>						
<b>UMMANDLA WAMANQAKU</b>		<b>43–50</b>	<b>33–40</b>	<b>23–30</b>	<b>13–20</b>	<b>0–10</b>

**ISIHLOMELO B: IRUBRIKI YOKUHLOLA IMIHLATHI EMIDE– ULWIMI LOKUQALA OLONGEZELELWEYO [30 AMANQAKU]**

<b>Ikhrayitheriya</b>	<b>Balaseleyo</b>	<b>Enobuchule</b>	<b>Phakathi</b>	<b>Buthathaka</b>	<b>Bubhetyebhetye</b>
<b>UMXHOLO, UCWANGCISO NEFOMATHI</b>  Ukungqala kwempendulo nezimvo Ukuqoqwa kwezimvo ngenjongo yokucwangcisa Injongo yokubhala, abo kujoliswe kubo, iimpawu/imigaqo yetekisi, kunye nemeko  <b>18 AMANQAKU</b>	<b>15–18</b> -Impendulo igqwesile idlule okuqhelekileyo -Izimvo ziqiqisise kwaye zivuthiwe -Luphangalele ulwazi lweempawu zolu didi lwetekisi -Umsebenzi ungqalile uhleli emxholweni -Kukho ukunamathelana kwizimvo nomxholo -lingcamango zidakancwe ngobunono zonke iinkcukacha zixhasa isihloko -Ifomathi ifanelekile kwaye ichanekile	<b>11–14</b> -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixoxwe zadakancwa ngokunamatheleneyo kumxholo nezimvo -linkcukacha zixhasa isihloko -Ifomathi ifanelekile ineendawana ezingachanekanga ezingephi	<b>8–10</b> -Impendulo iyanelisa ibonakalisa ulwazi lweempawu zolu didi lwetekisi -Izimvo ziyaphuma emxholweni kwaye kukho nokugqwidiza -Ukunamathelana kumxholo nezimvo kufanelekile -Ezinye iinkcukacha zixhasa isihloko -Ifomathi ifanelekile kodwa kusekho ukungachaneki	<b>5–7</b> -Impendulo ibonakalisa ulwazi olungephi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili isetyenziswe ngokungaqondi -Kutyeshelwe izinto ezininzi	<b>0–4</b> -Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo ide iphume emxholweni -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
<b>ULWIMI ISIMBO SOKUBHALA NOKUHFLELA</b>  Ithoni, irejista, isimbo, injongo/ifuhe, abo kujoliswe kubo kunye nemeko Ukusetyenziswa kolwimi nemigaqo Uchongo magama limpawu zokubhala kunye nopelo  <b>12 AMANQAKU</b>	<b>10–12</b> -Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	<b>8–9</b> -Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala akukho zimpazamo	<b>6–7</b> -Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyiphazamisi intsingiselo nomyalezo	<b>4–5</b> -Ithoni, irejista, isimbo, nesigama azingqamani ncam nenjongo kwakunye nabantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Sinqongophele isigama -Kukho amagingxi-gingxi kwintsingiselo	<b>0–3</b> -Ithoni, irejista, isimbo, nesigama azingqamani kwaphela nenjongo, imeko kwakunye nabantu ekujoliswe kubo -Izele ziimpazamo ixazalala -Isigama asifanelananga nenjongo -Intsingiselo ilahleke kakhulu
<b>UMMANDLA WAMANQAKU</b>	<b>25–30</b>	<b>19–23</b>	<b>14–17</b>	<b>9–12</b>	<b>0–7</b>



**ISIHLOMELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]**

<b>Ikhayitheriya</b>	<b>Balaseleyo</b>	<b>Enobuchule</b>	<b>Phakathi</b>	<b>Buthathaka</b>	<b>Bubhetyebhetye</b>
<b>UMXHOLO UKUCWANGCISA NEFOMATHI</b>  Impendulo nezimvo Ukubekelwa kwezimvo limpawu zetekisi/ umgaqo kunye nemeko  <b>12 AMANQAKU</b>	<b>10–12</b> -Impendulo igqwesile ibonisa ukuqisiswa kwezimvo -Izimvo zihlakaniphile kwaye zivuthiwe -Luphangalele ulwazi lweempawu zolu didi lwetekisi -Umsebenzi ungqalile akukho kugqwidiza -Kubonakala ukunamathelana kwizimvo nomxholo -lingcamango zidakancwe ngobunono kwaye zonke iinkcukacha zixhasa isihloko -Ifomathi ifanelekile kwaye ichanekile	<b>8–9</b> -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixoxwe zadakancwa ngokunamatheleneyo kumxholo nezimvo -linkcukacha zixhasa isihloko -Ifomathi ingqalile iindawana ezikhoyo ezingachanekanga aziyphezamisani injongo yokubhala	<b>6–7</b> -Impendulo iyanelisa ibonakalisa ulwazi lweempawu zolu didi lwetekisi -Izimvo azisoloko zisemxholweni kwaye kukho nokugqwidiza -Ukunamathelana kumxholo nezimvo kwenzeka ngokufanelekileyo -Ezinye iinkcukacha zixhasa isihloko -Ifomathi ingqalile kodwa zikho iindawana ezingachanekanga	<b>4–5</b> -Kubonakala ubunzima malunga nolwazi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili ityeshelwe okanye isetyenziswe ngokungaqondi	<b>0–3</b> -Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo. -Intsingiselo iduka kwisakhiwo esixazalala -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
<b>ULWIMI, ISIMBO NOKUHELELA</b>  Ithoni, irejista, isimbo, nesigama singqamene nenjongo kunye nemeko Ukusetyenziswa kolwimi nemigaqo Ukhetho- magama limpawu zokubhala kunye nopelo  <b>8 AMANQAKU</b>	<b>7–8</b> -Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	<b>5–6</b> -Ithoni, irejista, isimbo, nesigama zifanelene kakhulu nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala azikho iimpazamo	<b>4</b> -Ithoni, irejista, isimbo, isigama zifanelene nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyphezamisani intsingiselo	<b>3</b> -Ithoni, irejista, isimbo, nesigama azifanelananga ncam nenjongo, abantu ekujoliswe kubo kunye nemeko -Izakhi zezivakalisi zineemposiso ezininzi eziphazamisani umyalezo -Sinqongophele isigama -Kukho amagingxi-gingxi kwintsingiselo	<b>0–2</b> -Ithoni, irejista, isimbo, nesigama azifanelananga kwaphela nenjongo, imeko kwakunye nabantu ekujoliswe kubo -Izele ziimpazamo ixazalala iyadida -Isigama asihambelani nenjongo -Intsingiselo ilahlekile kakhulu
<b>UMMANDLA WAMANQAKU</b>	<b>17–20</b>	<b>13–15</b>	<b>10–11</b>	<b>7–8</b>	<b>0–5</b>